



Broj: 10/E-11-5256/24
Sarajevo, 13-09-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-238/24 od 25.03.2024. godine, (u daljem tekstu: Komisija III), u postupku javne nabavke: Usluge izrade energetskih audita za objekte individualnog stanovanja (Zapisnik o pregledu i ocjeni ponuda broj: 10/E-11-5256/24 od 05.09.2024. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „nLogic“ d.o.o. Sarajevo, ulica Đoke Mazalića broj 2, 71000 Sarajevo, broj: P-243-24 od 02.09.2024. godine, za usluge izrade energetskih audita za objekte individualnog stanovanja, putem konkurentskog zahtjeva za dostavu ponuda, sa cijenom u ukupnom iznosu od **3.123,00 KM bez PDV-a, odnosno 3.653,91 KM sa PDV-om.**
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Образложење

Postupak javne nabavke usluga izrade energetskih audita za objekte individualnog stanovanja, pokrenut je Odlukom Općinskog načelnika o pokretanju postupka broj: 10/E-11-5256/24 od 20.08.2024. godine, putem konkurentskog zahtjeva za dostavu ponuda. Predmet nabavke nije podijeljen na lotove.

Obavještenje o nabavci 848-7-2-93-3-151/24 od 23.08.2024. godine je objavljeno na Portalu javnih nabavki, a Sažetak Obavještenja o nabavci je objavljen u „Službenom glasniku BiH“, broj 59/24 – Oglasnik javne nabavke.

Procijenjena vrijednost javne nabavke iznosi 8.500,00 KM bez PDV-a.

U roku za predaju ponuda koji je određenom tenderskom dokumentacijom (04.09.2024. godine do 10:00 sati), na adresu Ugovornog organa primljeno je 5 (pet) ponuda, dostavljene od ponuđača: 1. „INSTITUT ZA SIGURNOST I OKOLIŠ“ d.o.o. Tuzla; 2. „PROVING“ d.o.o. Sarajevo; 3. „PLUS MINUS“ d.o.o. Sarajevo; 4. „CETEOR“ d.o.o. Sarajevo i 5. „nLogic“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana su cijene ponuda, kao kriterij „najniža cijena“, kako slijedi:

R/b	Ponuđač	Ukupno bez PDV-a (KM)	Popust	Ukupno sa popustom i PDV-om (KM)
1.	„INSTITUT ZA SIGURNOST I OKOLIŠ“ d.o.o. Tuzla	4.410,00	/	5.159,70
2.	„PROVING“ d.o.o. Sarajevo	4.500,00	/	5.265,00
3.	„PLUS MINUS“ d.o.o. Sarajevo	4.165,00	/	4.873,05
4.	„CETEOR“ d.o.o. Sarajevo	6.750,00	/	7.897,50
5.	„nLogic“ d.o.o. Sarajevo	3.123,00	/	3.653,91

Nakon izvršenog javnog otvaranja ponuda, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija III je ustanovila da sve dostavljene ponude ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Detaljnom računskom provjerom ispravnosti ponuda, Komisija III je utvrdila da su podnesne ponude računski ispravne, te da je ispravno obračunata ukupna cijena sa PDV-om.

Nakon analize, Komisija III je izvršila rangiranje ponuda prema kriteriju „najniža cijena“, u skladu sa članom 64. stav (1) tačka b) Zakona o javnim nabavkama.

Rang	Ponuđač	Ukupna cijena (KM) bez PDV-a
1.	„nLogic“ d.o.o. Sarajevo	3.123,00
2.	„PLUS MINUS“ d.o.o. Sarajevo	4.165,00
3.	„INSTITUT ZA SIGURNOST I OKOLIŠ“ d.o.o. Tuzla	4.410,00
4.	„PROVING“ d.o.o. Sarajevo	4.500,00
5.	„CETEOR“ d.o.o. Sarajevo	6.750,00

Shodno svemu naprijed izloženom, Komisija III je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **„nLogic“ d.o.o. Sarajevo, ulica Đoke Mazalića broj 2, 71000 Sarajevo**, broj ponude: **P-243-24 od 02.09.2024. godine**, za usluge izrade energetskih audita za objekte individualnog stanovanja, sa cijenom u ukupnom iznosu od **3.123,00 KM bez PDV-a**, odnosno **3.653,91 KM sa PDV-om**, sa kojim će biti zaključen ugovor.

Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Dokaz o plaćenju naknade za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda

broj: 10/E-11-5256/24 od 05.09.2024. godine

**Dostaviti:**

1. Ponuđaču: „INSTITUT ZA SIGURNOST I OKOLIŠ“ d.o.o. Tuzla, ulica Stupine broj C, lamela C3, M.M. Dizdara PP9, 75000 Tuzla
2. Ponuđaču: „PROVING“ d.o.o. Sarajevo, ulica Milana Preloga bb, 71000 Sarajevo
3. Ponuđaču: „PLUS MINUS“ d.o.o. Sarajevo, ulica Pruščakova broj 17, 71000 Sarajevo
4. Ponuđaču: „CETEOR“ d.o.o. Sarajevo, ulica Topal Osman-paše broj 32B, 71000 Sarajevo
5. Ponuđaču: „nLogic“ d.o.o. Sarajevo, ulica Đoke Mazalića broj 2, 71000 Sarajevo
6. Kabinetu općinskog načelnika – Odsjek za javne nabavke
7. Službi za stambene i komunalne poslove
8. Službi za finansije
9. U spis